

Bêhtir fîrmayên pêşketî

Roja hîlbijartinê ya li 17'yê îlonê, wê biryar li ser pêşeroja Swêdê bihêt dayin û ez û tu em bi xwe hildibijêrin. Em hemû xwedî berpirsiyarek in, graniya dengê me her yek e. Ma em ê xurtbûna civata xwe baştir yan xirabtir bikin bi vê kêmkirina kronê ji her pênc kronên ji kîsê me yê beşdar ê bacê? Ma ew ê modêla swêdî bihêt pêşvexistin yan li cihê xwe hiştin?

Ew civata ku ji bo perwerdeyê xwedî hêz e, hêza wê ya berberiya li nav civatê heye û dikare xwedî ewletiyê be – ev modêla me ya ji bo bêhtirkirina afirandina derfeta xebatê ye. Bi xêra vê modêlê, ev deh salên dawiyê pêşketinên bilind ên civakî hatine holê û fayiz kêmbûye. Di nav van salên dawiyê de 300 000 derfetên kar hatine afirandinê. Ev baş e, lê ne bes e.

Bêhtir perwerde û lêkolîn

Em Sosyaldemokrat, me divê ku Swêd berdewam be li ser riya berberiya zanebûn û jêhatîbûnê – ne ku mûçe werin kêmkirin û xebatên ne ewle hebin. Swêd serê her şêneyekî xwe, ji temamê welatên cîhanê bêhtir li ser lêkolîn û pêşketinê dixebite. Em nuha gihane armanca xwe ya ji Hatina Tibaba Giştî ya Millî (BNP) 1% bi ser karê lêkolînê ve here, ku ev pere ji kîsê me yê beşdar e. Em derfeta lêkolînê bi 2,3 milyar kronî bêhtir dikin. Em xwendegeha bilind (högskolan) bi 17 500 cihî bêhtir dikin. Em 900 milyon kron li ser lêkolînê ji bo fîrmayên biçûk dirazînin. Ji bo berzkirina kvalîteyê, ji bo tevayiya şagirdan bikaribin xwe bigehînin armanca xwe, temamê dibistan û xwendegehan pere ji hikûmetê wergirtine, da ku ew bikaribin 15 000 mamoste û pîsporên din bixin ser kar. Xwendegeha lîseyê ya pîşesaziyê, (yrkesförberedande gymnasieskolan) ew ê bêhtir pêş ve here. Her wisan jî ev bi alîkariya destpêkirina perwerdeya hevdem ya şagirdiyê (lärlingsutbildning) ya li nav warê xebatê pêk were.

Bêhtirbûna hêza berberiyê

Li nav van 20 salên dawiyê wekî bi çendî vê dema dawiyê fîrmayên nuh ne hatine damezirandinê. Ev baş e û em ê li ser riya hêsantirkirina ji bo fîrmagerên biçûk berdewam bin, da ku ew bi hêsanî bikaribin bibin xwedî firma û pêş ve herin.



Fîrmageriya biçûk

Divê gerek fîrmagerên biçûk (småföretagare) xwe ewle bibînin. Ji ber vê hindê em dixwazin merc û rewşa fîrmageriyên biçûk ên pêwîstiya wan bi piştgiriya civakî heye, baştir bikin, ji bo nimûnê dema nexweşketinê.

Ji bo hêskirina kar û barê fîrmageriyê, em li tevayiya welêt derfet li ser şewirmendiyê bêhtir dikin. Her wisan jî, em karê burokratiyê ji ser 300 gavî bêhtir kêmtir dikin. Fîrmagerên li temamê herêman divê bibin xwedî heman keysa baş ji bo wergirtina sermayê ji bo pêşketinê û avakirina derfeta xebatê ji bo gelek kesên. Du milyar kron li ser debarkirina bi sermayeya rîskê (riskkapitalförsörjning) dihê danînê.

Her wisan em bi taybetî kêmkirina bacê ve mijûl in. Bi taybetî ji bo pêwîstiya fîrmagerên biçûk: li ser rakirina baca mîratê û diyariyê, ji bo kêmkirina pereyê karmendiyê (arbetsgivaravgift) ji bo fîrmagerên ku bi tenê (enmansföretagare) cara yekê ji xwe re karker digrin. Her wisan jî milyar kron baca kêmtir li ser fîrmayên kêmkarker (fämansbolag).

Bi razandina milyar kronê ji bo hêza berberiya bêhtir di nav çend branşên ku ji bo aboriya Swêdê bi taybetî jî gerek in, bi vê riyê em çeper û penahên aboriya Swêdê zexm dikin. Milyarek wê li ser bêhtirkirina derfetê ji bo firokê- û fezeyê, dar- û daristanîyê, metalurgî, IT- û telekomê, her wisan jî li ser dermansazî û bîoteknikê here. Her wisan jî em pêngavek beşdar bi îndustriya otomobîlê dikin, da ku em otomobîlek ji dewrûberê xwe re kêrhatîtir ji xwe re biafirînin.

Ewlebûn û vekirîbûn Swêdê ava dika

Mirovên ji xwe ewle wêrek in û xwe dikin xwedî berpirsiyariyek mazin. Ewlebûn hêz û jêhatîbûna me zexmtir dika, gava ku dewr diguhere, em xwe nuh bikin. Ewlebûn pêşketina bêhtir derdixe holê û her wisan jî gelek ji derfetên kar û xebatê. Lê belê vekirîbûna ber bi pêşdunîyê ve û ber bi kirîna çak ên nuh, ew jî wek ewlebûnê tiştên grîng in. Ev hevbendiyek e di navbera ewletî û vekirîbûnê, ku di nav van deh salên dawiyê de Swêda me li navberiya cîhanî kiriye qezenckar. Em dixwazin li ser vê ramyariyê berdewam bin.

Alternatîva vê – Swêdek feqîr

Em Sosyaldemokrat dixwazin, ku vê modêla xwe bi riya bêhtirkirina derfeta ji bo perwedeyê, bêhtirkirina hêza berberiyê û bêhtirkirina ewletiyê ji bo her kesî pêş ve bibin. Em bi vî rengî li Swêdê pêşxistina berdewamî ya bilind diafirînin û her wisan jî mişe derfetên kar û xebatê.

Ew hevbendiyê rastê (högerallians) ya Moderatan dixwazin bervaciyê vê ramyariyê pêk bîhênin. Ew dixwazin ji ser vê modêla swêdî derbas bin. Ew dixwazin bacê ji bo wan kesên ku pir pere qezenc dikin kêmtir



Nordkurdiska
Fler och växande företag

bikin, rewşa ewletiyê xirab bikin, pileya pereyên bêkariyê (a-kassan) û sîgorteya nexweşiyê (sjukförsäkringen) kêr bikin. Ev modêla hevbendiya rastê derfeta pêşketinê ne diafirîne. Di ser de jî cudahiya derfeta aboriyê di navbera mirovan de bêhtir dike û Swêdê ber bi paş ve dibe.

Li Swêdê wê her kes beşdar be. Ma tu kîjan Swêdê hildibijêrî?



Heger tu bixwazî bibî endam, serdana vir bike: socialdemokraterna.se yan jî telefona vir bike: 08-700 27 27